



Broj predmeta: **13-000649/21**
Broj akta: 01.1-1413EK-0026/21
Datum, 24.6.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH – prečišćeni tekst («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije broj: 13-000649/21 od 11.06.2021. godine, gradonačelnik Brčko distrikta BiH d o n o s i

ODLUKE O PONIŠTENJU POSTUPKA JAVNE NABAVKE

Član 1.

Poništava se postupak javne nabavke po pojedinim lotovima u provedenom otvorenom postupku za izbor najpovoljnijeg ponuđača za dodjelu okvirnog sporazuma za održavanje vozila u 2021., 2022. i 2023. godini, nabavka i sukcesivna ugradnja rezervnih dijelova i potrebnog materijala za servisiranje i popravku motornih vozila u vlasništvu Brčko distrikta BiH - lotovi koji su poništeni u prvom postupku, za potrebe Odjeljenja za javne poslove Vlade Brčko distrikta BiH, koji je proveden na osnovu Posebne odluke o pokretanju postupka javne nabavke broj: 13-000649/21 od 04.03.2021. godine i Obavještenja o nabavci broj: 1157-1-1-152-3-201/21 objavljenim na portalu javnih nabavki dana 26.03.2021. godine, za lotove 2 i 8 iz razloga što nijedna od primljenih ponuda nije prihvatljiva, što prema članu 69. stav (2) tačka d) Zakona o javnim nabavkama predstavlja osnov za poništenje postupka izbora ponuđača i za lotove 3, 5 i 6 iz razloga što nije dostavljena nijedna ponuda u određenom krajnjem roku, što prema članu 69. stav (2) tačka a) Zakona o javnim nabavkama predstavlja osnov za poništenje postupka izbora ponuđača.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

Obrazloženje

Komisija za nabavke je nakon izvršenog otvaranja ponuda konstatovala da je do momenta otvaranja ponuda dostavljeno pet ponuda i to ponuđača: „Auto Letić” d.o.o. Brčko, „Timko3” d.o.o. Bijeljina, „Auto-centar” d.o.o. Bijeljina, „LD-auto” d.o.o. Bijeljina i „Autohit” d.o.o. Sarajevo. Sastavni dio odluke čini zapisnik sa otvaranja ponuda. Analizom dostavljenih ponuda Komisija je utvrdila da su ponude ponuđača bile prihvatljive u pogledu načina pripreme, dostave, oblika i sadržaja ponuda osim ponuda ponuđača „Auto-centar” d.o.o. Bijeljina i „Autohit” d.o.o. Sarajevo. Ponuda ponuđača „Autohit” d.o.o. Sarajevo (lot 2) je ocijenjena neprihvatljivom iz razloga što nije podnesena od strane ovlaštenog lica ponuđača. Prilikom analize ponude navedenog ponuđača komisija je ustanovila da je ponudu (obrazac za dostavu ponude, izjave ponuđača i obrazac za cijenu ponude) potpisao Esmer Mehović koji prema dostavljenim podacima nije ovlašteno lice. Prema dostavljenom izvodu iz sudskog registra lice ovlašteno za zastupanje ponuđača je Haris Hadžiavdagić, direktor. U ponudi nije dostavljena punomoć za Esmera Mehovića u skladu sa članom 58. stav (1) pod g) Zakona o javnim nabavkama. Ponuda ponuđača „Auto-centar” d.o.o. Bijeljina (lot 8) nije bila dostavljena u

skladu sa odredbama tačke 4.10. tenderske dokumentacije. Ponuđač je na strani 21-25 ponude dostavio Ugovor na engleskom jeziku kao dokaz o zastupništvo u skladu sa zahtjevima iz tačke 3.4.2 pod d) Zakona o javnim nabavkama. Tačkom 4.10 tenderske dokumentacije je definisano da ponuda mora biti dostavljena na jednom od službenih jezika u BiH, odnosno ukoliko se dostavlja dokumentacija na nekom drugom jeziku potreban je i prevod urađen od strane sudskog tumača za taj jezik. Obzirom da navedeni prevod nije priložen u okviru ponude ista je ocijenjena neprihvatljivom. S obzirom na to da su navedene ponude bile jedine koje su dostavljene za lotove 2 i 8 Komisija je dala preporuku za donošenje odluke o poništenju postupka javne nabavke za navedene lotove, jer nijedna od primljenih ponuda nije prihvatljiva, a sve u skladu sa odredbama člana. 69. stav (2) tačka d) Zakona o javnim nabavkama i takođe za lotove 3, 5 i 6 iz razloga što nije dostavljena nijedna ponuda u određenom krajnjem roku, što prema članu 69. stav (2) tačka a) Zakona o javnim nabavkama predstavlja osnov za poništenje postupka izbora ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Odjeljenju za javne poslove,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

